

PREDMET: Poziv za dostavu ponuda za realizaciju ekskurzije učenika JU Srednja poslovno-komercijalna i trgovačka škola Sarajevo

Poštovani,

na temelju odredbi člana 115. Zakona o odgoju i obrazovanju u osnovnoj i srednjoj školi u Kantonu Sarajevu („Službene novine Kantona Sarajevo“ broj 27/24), te Pravilnika o realizaciji škole u prirodi, izleta, studijskih posjeta, ekskurzija, kampovanja/logorovanja, društveno – korisnog učenja i drugih oblika odgojno – obrazovnog rada u osnovnoj i srednjoj školi (“Službene novine Kantona Sarajevo”, broj: 34/24), i Odluke Nastavničkog vijeća Škole o izboru vrste postupka – prikupljanja ponuda za izbor putničke/turističke agencije za realizaciju ekskurzije učenika, završnih razreda u školskoj 2024/2025. godini, pozivamo Vas da dostavite ponudu za realizaciju ekskurzije učenika u mjesecu maju 2025. godine.


U vezi s tm donosimo Vam uputstvo za formiranje ponude:

1. POTREBNA DOKUMENTACIJA

- naziv i tačna adresa ponuđača
- ovjerena kopija Rješenja iz sudskog registra
- ovjerena kopija ID broja poreskog obveznika
- uvjerenje UTA da je agencija verificirana za organizaciju ekskurzije
- program ekskurzije sa tačno utvrđenom destinacijom i cijenom aranžmana
- ovjerena izjava o spremnosti osiguranja adekvatne police obaveznog međunarodnog putničko-zdravstvenog osiguranja za učesnike ekskurzije
- dokaz (potvrde, preporuke ili ugovore) koji dokazuju reference i iskustvo u organizovanju i realizaciji učeničkih ekskurzija
- dokaz da autobusi kojim će se vršiti prevoz nisu stariji od deset godina
- dokaz da su autobusi kojim će se vršiti prevoz visoke turističke klase
- dokaz o redovnom tehničkom pregledu autobusa, ne stariji od 6 mjeseci (ovjerena fotokopija)

2. BITNE INFORMACIJE O ZAHTJEVANOM TURISTIČKOM PAKET ARANŽMANU

1. Tačan opis prijevoznog puta, odnosno aranžmana - 6 dana, 4 noćenja
 - 2 noćenje na bazi polupansiona 1/3 i 1/4 sobama u hotelu 3* u Lido di Jesolu,
 - 2 noćenje na bazi polupansiona u 1/3 i 1/4 sobama u hotelu 3* u okolini Verone
2. Kompletan aranžman – turistička usluga organizacije maturaške ekskurzije sa sadržajem edukativnog i rekreativnog sadržaja, na destinaciji Sarajevo - Italija – Sarajevo
3. Smještaj u hotel sa tri zvjezdice
 - Za učenike: trokrevetne i četverokrevetne sobe,
 - Za profesore: dvokrevetne sobe
4. Vrsta prijevoznih sredstava – autobusi visoke turističke klase (autobusi opremljeni klimom, wc, Wi-Fi, audio-vizuelna sredstva)
5. Cijena aranžmana za prevoz, smještaj, ishranu i obilasku, uključujući ulaznice u Gardaland, brod u Veneciji, PZO i druge troškove, osim boravišne takse na bazi 60 učenika
6. Turistički obilazak Venecije – Padove - Verone – Gardalanda - Sirmione
7. Vrijeme realizacije školske ekskurzije od 05.05.2025. do 09.05.2025. godine
8. Način plaćanja-mogućnost plaćanja ukupne cijene aranžmana, u minimalno 3 rate, te da rate roditelji uplaćuju direktno na račun Agencije, i to 2 rate prije polaska a posljednja rata po povratku sa ekskurzije.
9. Obavezno navesti broj gratisa za učenike i broj gratisa za profesore (4 profesora+direktor)
10. Obavezno se traži od odabrane agencije da tokom boravka u Italiji obezbijedi hranu bez sastojaka na bazi svinjskog mesa.
11. Uključiti putničko i zdravstveno osiguranje putnika



3. PONUDOM TREBA OBUHVATITI SLJEDEĆI OKVIRNI PLAN PUTOVANJA:

1. DAN, Sarajevo 05.05.2024

Okupljanje učenika na unaprijed dogovorenom mjestu u 06:00. Slijedi dnevna vožnja preko BIH, Hrvatske, Slovenije do Italije uz usputne pauze radi odmora grupe. U večernjim satima dolazak u hotel. Smještaj. Večera.

2. DAN Venecija 06.05.2025

Doručak. Nakon doručka slijedi vožnja prema luci Punta Sabioni odakle ćemo zajedno vaporetom (brodicom) krenuti u obilazak Venecije. Po dolasku u Veneciju slijedi obilazak grada u pratnji stručnih vodiča: crkva della Pieta, spomenik Vittoriju Emanuele II, zatvor i palazzo Ducale, mostuzdaha, trg sv. Marka, Bazilika sv. Marka, Sansovinijeva biblioteka, Campanile, Procuratie, i na kraju obilaska most Rialto. Slobodno vrijeme za individualno upoznavanje sa gradom. U dogovoru sa vodičem polazak prema Veroni. Po dolasku u hotel slijedi smještaj. Slobodno vrijeme. Večera. Noćenje.

3. DAN, Verona 07.05.2025

Doručak. Nakon doručka polazak prema Safari Parku – Parco Natura Viva. Ovaj Safari park se prostire na preko 40 hektara i u njemu se nalazi 250 različitih vrsta divljih životinja. Park godišnje posjeti preko pola miliona turista. Po dogovoru slijedi polazak prema Veroni.

Po dolasku u Veronu idemo u obilazak jednog od najljepših gradova Italije: trg Bra, Rimski Amfiteatar, palazzo Barbieri, Gran Guardia, trg Erbe, Domus Mercatorum, palazzo del Comune, tore del Lamberti, trg Signoria, grobnica porodice Schalliggeri, Julijna kuća.

4. DAN Gardaland 08.05.2025

Uživajte u cjelodnevnom izletu i posjetite brojne atrakcije koje se nalaze u ovom zabavnom parku: Raptor, Blue Tornado, Mammut, Colorado Boat, Sequoia, Adventure, Space Vertigo, 4D Avantura. U dogovoreno vrijeme povratak u hotel. Nakon zabavnog parka odlazak do srednjovjekovnog grada Sirmione. Povratak u hotel. Večera. Slobodno vrijeme. Noćenje.

5. DAN Padova-Sarajevo

Doručak. Odjava iz hotela te polazak prema Padovi. Po dolasku slijedi obilazak grada sa vodičem: crkva sv. Antonija, Prato della Valle, palazzo della Ragione, piazza dei Signori, Gran Guardia, palazzo del Capitano. Slobodno vrijeme. Po dogovoru slijedi polazak prema BIH. Dolazak u BIH do 00:00 h.


Predmet javne nabavke je realizacija učeničke ekskurzije učenika JU Srednja poslovno – komercijalna i trgovačka škola Sarajevo, ukupno **60 učenika i 4 profesora + direktor**. Matarska ekskurzija će se realizirati u periodu od **05.05. do 09.05.2024. godine**.

4. KRITERIJI ZA IZBOR NAJPOVOLJNIJE PONUDE

Ugovor se dodjeljuje na osnovu kriterija „najniža cijena“ tehnički zadovoljavajuće ponude. Dobavljači mogu ponuditi samo jednu cijenu i ne mogu je mijenjati. O cijeni se neće pregovarati. Ponuđači će biti obavješteni o Odluci o izboru najpovoljnijeg ponuđača, najkasnije u roku od 3 dana od dana otvaranja ponuda.

5. OSTALE NAPOMENE

Ponude sa pratećom dokumentacijom koju smo naveli u pozivu za dostavljanje ponuda, treba dostaviti na adresu: Javna ustanova Srednja poslovno – komercijalna i trgovačka škola Sarajevo, ulica Armaganuša broj 29, u propisano zapečaćenoj koverti sa naznakom: „PONUDA ZA EKSKURZIJU – NE OTVARAJ“, u roku od deset (10) dana od dana dostavljanja poziva.




JU SREDNJA POSLOVNO-KOMERCIJALNA I TRGOVAČKA ŠKOLA SARAJEVO
71000 Sarajevo, Bosna i Hercegovina
Armaganuša 29

Neblagovremeno prispjele ponude i ponude koje nisu u skladu sa objavljenim uslovima neće biti uzete u razmatranje.

Otvaranje Ponuda će se obaviti javno, dana 18.03.2025. godine u 15,00 sati. Postupak otvaranja ponuda će provesti Komisija za pripremu i provođenje postupka i izbora najpovoljnije ponude, odnosno Agencije, imenovana Odlukom Školskog odbora.

Sarajevo, 06.03.2025. godine.



DIREKTOR

Armin Biber